



# ՌԻՍԱԿՈՐԻՉ



ԿԵՂԵՑԻՆ ՏԱՆ ՄԷՋ



Բ. ՏԱՐԻ, ԹԻՎ 9, Օգոստոս 2019

ԳԱՆԱՏԱՅԻ ՀԱՅՈՑ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ ԿՐՕՆԱԿԱՆ ԱՄՍԱԹԵՐԹ

## ԱՌԱՋՆՈՐԴԻ ԽՕՍՔ

## ՀՈԳԵԻՈՐ ՄՏՈՐՈՒՄՆԵՐ

### ՅՈՅՍՈՎ ԼԵՑՈՒԻԼ



Պօղոս առաքելալ հոռմեացիներուն նամակին յատկապէս 15րդ գլխուն 13-րդ համարին մէջ, իր աղօթքներուն և մաղթանքներուն մէջ կ'ըսէ.- **«Յոյս պարզևող Աստուածը թող ձեզ ամբողջական ուրախութեամբ և խաղաղութեամբ լեցնէ իր հանդէպ ձեր ունեցած հաւատքով, որպէսզի Սուրբ Հոգիի զօրութեամբ յոյսով առատանաք»:**

Առաքելալը իր խօսքին մէջ շեշտը կը դնէ յոյսին վրայ: Ուրիշ տեղ մը, այս անգամ կորնթացիներուն ուղղած իր առաջին նամակին մէջ, կ'ըսէ.- **«Կարևոր միակ բաներն են՝ հաւատքը, յոյսը և սէրը»:** Այս աշխարհին մէջ կրնայ ամէն ինչ կորսուիլ բացի հաւատքէն,

յոյսէն և սէրէն: Պէտք է հաւատանք, որ Աստուծոյ սէրէն է որ կը բխի մեր յոյսը:

Առաջին հերթին, եկէք հարց տանք՝ **ինչ է յոյսը և ինչն է համար յոյս կը տա՞ծէնք:**

Յոյս կը տա՞ծէնք հիմնական հինգ ճշմարտութիւններու.

Ա) **Յաւերենական կեանքի յոյսը**, ինչպէս որ կը կարդանք Պօղոս առաքելալի, իր աշակերտին՝ Տիտոսին ուղղած նամակին մէջ.- **«...Ժառանգելու յաւիտենական կեանքը, որուն յոյսը ունինք» (Տիտ 3.7):**

Բ) **Փրկութեան յոյսը**, որուն համար Քրիստոս աշխարհ եկաւ՝ իրագործելու այդ խոստումը: Դարձեալ Պօղոս առաքելալ Թեսաղոնիկէի եկեղեցիներուն ուղղած իր առաջին նամակին մէջ կը թելադրէ՝ ըսելով.- **«Պատրաստ ըլլանք՝ հաւատքի ու սիրոյ զրահը հագած և փրկութեան յոյսի սաղաւարտը մեր գլխուն դրած... ժառանգելու Անոր փրկութիւնը մեր Տիրոջ՝ Յիսուս Քրիստոսի միջոցով» (Ա. ԹԻՎ 5.8-9):**

Գ) **Մեռելներու յարութեան յոյսը**, այս անգամ առաքելալներու գործերուն 23րդ գլխուն 6րդ համարին մէջ կը լսենք դարձեալ Պօղոս առաքելալի բացականչութիւնը ուղղուած սաղուկեցիներուն և փարիսեցիներուն.- **«Եթէ ես հիմա կը դատուիմ, ապա նաև անոր համար, որ մեռելներու յարութեան յոյսը ունիմ» (Գրծ 23.6):**

Դ) **Աւերարանի քարոզութեան յոյսը**, երբ Առաքելալը կողոսացիներուն ուղղած իր նամակին մէջ կը թելադրէ.- **«Յարատեղ հաւատքի մէջ՝ անխախտ պահելու այն յոյսը, որ ունեցաք Աւերարանի քարոզութեամբ» (Կղ 1.23):**

Ե) **Աստուածային կանչին ու հրաւերին ականատես ըլլալու յոյսը**.- **«Ճշի ու փառաւոր այն խոստումին, որ պիտի ժառանգեն Անոր ընտրեալները» (տէն Եփ 1.18):**

Գետնալէ ետք թէ՛ ինչ է յոյսը և ինչ բանի համար յոյս կը տա՞ծէնք, այժմ հարց տանք՝ ո՞վ կրնայ յոյս ունենալ: Նախ, յոյս կրնան ունենալ անոնք՝ որոնք **Քրիստոսի մէջ են**, և **Քրիստոսը իրենց մէջ կ'ապրեցնեն**: Քրիստոսի միացած միայն կրնանք մաս կազմել Աստուծոյ ընտրեալ ժողովուրդին, որովհետև Անոր միջոցով, Անոր զոհագործութեամբ մենք հաշտուեցանք Աստուծոյ հետ և Անոր միջոցով կրնանք ապրիլ **ՅՈՅՍՈՎ**:

Երկրորդ, յոյս կրնան ունենալ **անոնք՝ որոնց մէջ է Քրիստոս**, որովհետև՝ **«Անգամ մը, որ Քրիստոսով մկրտուեցաք՝ այլևս Քրիստոսն է, որ կ'ապրի ձեր մէջ» (Գղ 3.27):** Երբ Քրիստոս մեր մէջ ապրի, այն ժամանակ կրնանք **ՅՈՅՍՈՎ ԼԵՑՈՒԻԼ**:

Բարգէն Արքեպիսկոպոս Չարեան



Յիսուս աշխարհ գալով իր երկրաւոր առաքելութեան առաջին իսկ օրէն սկսաւ **«Արքայութեան Աւերարանը»** ուսուցանել և քարոզել (Մտ 4.23, 9.35, Ղկ 8.1, 9.11), նոյնը քարոզել պատուիրեց իր 12 առաքելներուն և 72 աշակերտներուն (Մտ 10.7, Ղկ 9.2), և մինչև վերջ ալ շեշտեց, թէ՛ **«Արքայութեան Աւերարանը պիտի քարոզուի ամբողջ աշխարհի մէջ՝ իբրև վկայութիւն բոլոր ժողովուրդներուն. և ապա պիտի գայ վախճանը» (Մտ 24.14)**, ուստի ամէն անգամ որ մենք ըսենք **«Թող գայ քու արքայութիւնդ»**, պէտք է մտածենք ու գիտակցինք մեր կատարելիք պարտականութեան և պարտաւորութեան մասին, որ է՝ անվերջ աշխատիլ ու պայքարիլ ի խնդիր Աստուծոյ արքայութեան հաստատման:

Ահա ասոր համար է որ Քրիստոս մեզի կը թելադրէ նախ Աստուծոյ արքայութիւնը և անոր արդարութիւնը խնդրել, իսկ մնացեալ բաները անելով Աստուած պիտի տայ մեզի (Մտ 6.33, Ղկ 12.31):

Ուստի, պէտք է ցանկալ ու աղօթել, որպէսզի մեր երկնաւոր Հայրը մեզի արժանի ընէ իր արքայութեան, որպէսզի չըլլայ որ Ա՛ն գայ, բայց՝ ոչ թէ մեզի համար: Որովհետև ոմանց համար այդ գալուստը պիտի նշանակէ՝ **«Եկէք, Հօրս կողմէ օրհնեալներ, ժառանգեցէք աշխարհի սկիզբէն ձեզի համար պատրաստուած արքայութիւնը»**, իսկ ոմանք ալ պիտի լսեն սահմնկեցուցիչ սա խօսքերը, թէ՛ **«Անիծեալներ, հեռացէք ինձմէ, գացէք յաւիտենական կրակին մէջ, որ Սատանային և անոր հրեշտակներուն համար պատրաստուած է»:** Ատոր համար աղօթենք, որ Տէրը մեզ բարիացնէ. այդ ժամանակ մեզի համար կու գայ Անոր արքայութիւնը:

Եթէ կ'ուզենք մուտք գործել արքայութիւն և ժառանգել զայն, ուստի և պէտք է հրաժարիւք փառքէ, պատիւէ ու աշխարհիկ հոգերէ և զբաղմունքներէ՝ որքան ալ քաղցր թուին ըլլալ անոնք. պէտք է ըլլանք ներողամիտ մեր նմանին հանդէպ, ողորմած, բարեմիտ, արդարութեան ու խաղաղութեան հաստատման համար աշխատող, Աստուծոյ կամքը կատարող:

Խմբագրական



## ՏՕՆ ՎԵՐԱՓՈԽՄԱՆ Ս. ԱՍՏՈՒԱԾԱԾՆԻ



### ՎԵՐԱՓՈԽՈՒՄ

Վերափոխումը Ս. Կոյս Մարիամ Աստուածածնայ երկրէն երկինք փոխադրուելու յիշատակն է: Վերափոխումը Հայաստանեայց Առաքելական Եկեղեցոյ հինգ տաղաւար տօներէն չորրորդն է, որ կը հանդիպի Օգոստոս 15-ի մերձակայ Կիրակին: Այս տօնը Ս. Աստուածածնի նուիրում տօներէն գլխաւորն է ու հնագոյնը:

Համաձայն եկեղեցական աղբիւրներու, մեր Տիրոջ և Փրկչին Յիսուս Քրիստոսի խաչելութենէն ետք, Ս. Կոյս Աստուածածին 15 տարի ապրեցաւ Երուսաղէմի մէջ, Յովհաննէս Առաքելի խնամքի տակ. անոր երեցաւ Տիրոջ հրեշտակը և հաղորդեց մարմնով երկինք փոխադրուելու աւետիսը: Այդ գիշեր, Տիրամայրը ւսանդեց իր հոգին. առաքելները անոր մարմինը մեծ հանդիսութեամբ ամփոփեցին Գեթսեմանիի ձորակին մէջ: Յուդարկաւորութեան ներկայ չէր Ս. Բարթողիմէոս Առաքել: Աւելի ուշ հասնելով, Ս. Բարթողիմէոս խնդրեց բանալ շիրիմը, որպէսզի վերջին անգամ տեսնէ Տիրամայրը: Երբ բացին գերեզմանը, զայն պարապ գտան և հասկցան, որ ան փոխադրուած է երկինք՝ իր Միածին Որդիին քով:

Աւանդութեան համաձայն, Ս. Բարթողիմէոս առաքելային տրուեցաւ Աստուածամօր կենդանապատկերը, զոր Ս. Կոյսը յետ օրհնութեան յանձնած էր Յովհաննէս Աւետարանիչին: Հայկական գրոյցներու համաձայն, Ս. Բարթողիմէոս Առաքել զայն Հայաստան բերաւ և դրաւ Անձնացեաց գաւառի Դարբնաց քար կոչուած տեղը:

Սուրբ Աստուածածնայ Վերափոխման տօնին կը կատարուի խաղողօրհնէք, որուն ընթացքին կը կարդացուի Ս. Ներսէս Շնորհալիի աղօթքը և կը խնդրուի Աստուծոյ օրհնութիւնը: Խաղողը իբրև տարուան առաջին բերք՝ կը խորհրդանշէ ամբողջ տարուան բերքը:

### ԿԱՆՈՆ ՍՈՒՐԲ ԱՍՏՈՒԱԾԱԾՆԻ ՎԵՐԱՓՈԽՄԱՆ

#### ՕՐՀ ԴՁ

Այսօր սուրբերը՝ երանելի առաքելներն ու սուրբ կոյսերը՝ միասին հաւաքուած՝ լուսաւոր զգեստներով պայծառացած՝ իրենց լապտերները կը վառէին և միաձայն կ'ըսէին՝ օրհնեալ ես դուն՝ կիներուն մէջ ամէնօրհնեալ:

Այսօր Սուրբ Կոյսը գերեզմանին առջև դնելով կը սպասէին և կ'ակնկալէին Տիրոջ անձամբ հոն ըլլալը. տեսան որ Արարիչը վերէն բազում հրեշտակներով կու գար. և անոնք միաձայն կ'ըսէին՝ օրհնեալ ես դուն՝ կիներուն մէջ ամէնօրհնեալ:

Այսօր տեսան Սուրբ Կոյսին օդին մէջ թռչիլը և ամպեղէն կառքով երկինք համբարնալը և երկնային խորաններու մէջ մտնելը իմաստուն կոյսերուն հետ. և անոնք միաձայն կ'ըսէին՝ օրհնեալ ես դուն՝ կիներուն մէջ ամէնօրհնեալ:

Այսօր բազմաչեայ քերովբէներուն և վեցթևեան սերովբէներուն հետ եօթնաստեղեան խորանները մտնելով տեսար զանազան աթոռներ, զոր Տէրը քեզի համար պատրաստած է. մենք ալ կ'երգենք ըսելով՝ օրհնեալ ես դուն՝ կիներու մէջ ամէնօրհնեալ:

Այսօր Աստուած Բանը, նախամայրը մեղքէն ազատող Կոյս Մայրը երկինք փոխադրեց, աստուածային խորաններուն անպատմելի կեանքին մէջ դասելով զայն. ուստի Սուրբ Եկեղեցին հրճուողական ձայնով նոր օրհնաբանութիւն կ'երգէ քեզի:

Այսօր Տիրամայր Սրբուհի Կոյսը, հրեշտակներու դասերուն միջոցաւ ւսանդեց իր սուրբ հոգին, գերարփիի նման փայլելով և ահեղ հրեղէններու դասերուն նմանելով. ուստի Սուրբ Եկեղեցին հրճուողական ձայնով նոր օրհնաբանութիւն կ'երգէ քեզի:

Այսօր անմարմին հրեշտակները Աստուածամայր Կոյսին մաքուր մարմինը վեր բարձրացնելով ամփոփեցին տեսանելի զգայութիւններէն գերակայ եղողներուն տեղը՝ անճառելիներուն հաղորդակից ընելով զայն. ուստի Սուրբ Եկեղեցին հրճուողական ձայնով նոր օրհնաբանութիւն կ'երգէ քեզի:

Հողեղէններս, հրեղէններուն հետ, այսօր յուսալից խնդրութեամբ և յաւերժական ձայնով կ'օրհնաբանենք քեզ, տօնախմբելով Կոյսին՝ քու մօրդ և աղախինիդ յիշատակը. ուստի Սուրբ Եկեղեցին հրճուողական ձայնով նոր օրհնաբանութիւն կ'երգէ քեզի:





## ԵՐԻՏԱՍԱՐԴԱԿԱՆ

«ԵՐԱՆԻ ԱՆՈՆՑ՝ ՈՐՈՆՔ  
ԱՌԱՆՑ ԶԻՍ ՏԵՄՆԵԼՈՒ ԿԸ ՀԱԻԱՏԱՆ»



Ա լ ե տ ա ր ա ն ա կ ա ն քարոզության էական խորհուրդներէն մէկն է՝ «Ուր որ երկու կամ երեք հոգի հաւաքուին իմ անունովս եւ հոն եմ՝ անոնց միջև» (Մտ 18.19-20):

Մեր Տէրն ու Փրկիչը Յիսուս Քրիստոս իր բաժանման պահուն աշակերտներուն վերջին խոստում մը տուաւ, ըսելով.- «Միշտ ձեզի

հետ պիտի ըլլամ մինչև աշխարհի վախճանը» (Մտ 28.20):

Յիսուսի խաչելութեան և թաղման ի տես, առաքելները յուսախար վիճակի մատնուած էին: Մանաւանդ հրեաներու հալածանքներուն ահն ու սարսափը պատճառ դարձած էր որ անոնք ապաստանէին վերնատան մէջ: Եւ ահա, Յարութենէն ետք, Յիսուս իր խոստումը յարգելով զանազան առիթներով երևցաւ առաքելներուն և հաւատացեալներուն, նպատակ ունենանով փաստել.-

**Ա- Իր մարմնացեալ Աստուած ըլլալը, որ եկած էր մեղաւոր մարդը փրկելու:**

**Բ- Յարութենէ ետք նոյն Քրիստոսն ու Փրկիչը ըլլալը «Զի Յիսուս Քրիստոս երէկ և այսօր՝ նոյն և յաիտեան» (Ժամագիրք, Հաւատոյ Հանգանակ):**

**Գ- Իր խոստումին հաւատարիմ ըլլալը, որ ըսած էր.- «Ես ձեզի հետ եմ» (հմմ.):**

Դէպքը կը սկսի Կիրակի օր, երբ Յիսուս վերնատան մէջ կը յայտնուի իր առաքելներուն: Այդ օր թովմաս կը բացակայէր: Վերադարձին, միւս առաքելները կ'աւետէն ըսելով, թէ «Տէրը երևցաւ...»: Թովմաս կը պատասխանէ.- «Մինչև որ զամերուն հետքերը չտեսնեմ անոր ձեռքերուն մէջ ու մատներս չդնեմ զամերուն տեղերը և ձեռքերս չպսցնեմ անոր կողին՝ չեմ հաւատար» (Յհ.20, 25):

Յովհաննէս Աւետարանիչ այս դէպքին շարունակութիւնը կը պատմէ, որ ուրք օրեր ետք Յիսուս կրկին անգամ յայտնուեցաւ առաքելներուն, այս անգամ թովմասն ալ հոն էր: Հանդիպման արարտին, Յիսուս ըսաւ թովմասին.- «Մատդ բեր՝ հոս դիր և տես ձեռքերս. բեր ձեռքերդ և դպցուր կողիս և անհաւատ մի ըլլար, այլ հաւատացեալ: Թովմաս բացագանչեց.- «Տէրս և Աստուածս»: Յիսուս ըսաւ անոր.- «Զիս տեսնելուդ համար հաւատացիր, չ'է. երանի անոնց՝ որոնք առանց զիս տեսնելու կը հաւատան» (Յհ.20, 26- 29):

«ԵՐԱՆԻ ԱՆՈՆՑ՝ ՈՐՈՆՔ ԱՌԱՆՑ ԶԻՍ ՏԵՄՆԵԼՈՒ ԿԸ ՀԱԻԱՏԱՆ»

Այս մեծ երանութիւնը բոլոր հաւատացեալ քրիստոնէաներուն համար է, որոնք Յիսուսը տեսնելու և շօշափելու առիթը չունեցան, չէին կրնար ունենալ, բայց և այնպէս՝ Յիսուսի ավետարանին զօրութիւնը, կատարած հրաշքներու հզօրութիւնը, կրօնքին վեհութիւնը զգալով, հաւատացած, աշակերտած և հետևած են Անոր: Ուստի, այս երանութիւնը կը վերաբերի մեզի՝ բոլորիս:

Տաթև Ա. Քինյ. Միքայէլեան

## ԽՈՆԱՐՀՈՒԹԻՒՆ

... ահա ես նոր երկինք և նոր երկիր պիտի ստեղծեմ...: Ես.65.17



Տէր, քանի՜ հպարտ երկնաքերս: Թող հաւասարիմ գետնին ու Քեզի յանձնուիմ ամբողջութեամբ: Թող երեսս դառնայ դէպի հողը, Որ խոնարհութեան մայրը ըլլալով կը գրկէ մեզ, Թոյլ կու տայ որ կանգնիք վրան: Երբ յարմար գտնես, և երբ Խոնարհութիւնը իմ անձիս միակ դէմքը դառնայ, Շինէ ինձմով այն շէնքը որ միայն Քուկդ է, Անիկա որ Քու ծառայութեանդ յանձնուած է: Թող խոնարհելու առիթ չկորսնցնեմ, Այլ եկածը անդադար փոխանցեմ և Անանձնականօրէն նուիրեմ Քեզի: Համբերութիւնս կարճ է, Տէր: Շուտով կը բեկուիմ: Երկարէ շունչս որպէս Քու շունչդ: Թող մեղքերս և տկարութիւններս Առիթ ըլլան Քեզի վերադառնալու: Չփախցնեմ առիթները: Թող չարը չըլլայ զիս բեկանողը... Այլ՝ Դուն: Որովհետև զիս բեկանելդ Դէպի միութիւն կ'առաջնորդէ: Միութիւն հետդ: Դուն կը քակես զիս, որպէսզի նորը շինես, Քուկդ կերտես մէջս: Այն որ Քեզի կը պատկանի: Այն որ Քեզմով կ'աճի ու կը սնանի: Այն որ սահման և բաժանում չի ճանչնար: Այն որ մէկ է բոլորին հետ: Այն որ միութեան մէջ է Ամբողջին հետ:

Կարօ Սրկ. Նոխուսեան



«ՇՆՈՐՀՔԻ ՄԵՋՄԷ ԱՆՊԱԿԱՍ ԸՐԷ, ՏԵ՛Ր ԱՍՏՈՒԱԾ: ՄԵՐ ԳՈՐԾԵՐԸ ԴՈ՛ՒՆ ԱՌԱՋՆՈՐԴԷ. ՄԵՐ ԲԱՐԻ ԾՐԱԳԻՆՆԵՐԸ ԴՈ՛ՒՆ ՅԱՋՈՂԷ՛» (ՍԱՂՄՈՍ. 90:17):

«ԻՆՉ ԳՈՐԾ ԱԼ ԸՆԷՔ՝ ՄՐՏԱՆՑ ԸՐԷՔ, ԱՅՆՊԷՍ՝ ԻՆՉՊԷՍ ՊԻՏԻ ԸՆԷՔ ՏԻՐՈՋ ԵՒ ՈՉ՝ ՄԱՐԴՈՑ: ՈՐՈՎՀԵՏԵՒ ԳԻՏՑԷՔ, ԹԷ ՏԻՐՈՋՄԷ Է ՈՐ ՊԻՏԻ ԱՌՆԷՔ ՁԵՐ ՀԱՏՈՒՑՈՒՄԸ» (ԿՈՂՈՍԱՑԻՍ 3:23-24):



# ՈՒՍԱԴՈՐԻՉ

## ԵԶՆԻԿ ԿՈՂԲԱՑԻԻ ԽՐԱՏՆԵՐԸ ՄԻՐՈՅ ՄԱՍԻՆ



- Ան, որ կը սիրէ բարեպաշտը, սիրոյ արձան կը կանգնեցնէ Աստուծոյ [համար] և անհաշտ թշնամութիւն [կ'արտայայտէ] սատանային նկատմամբ:
- Դուն քեզի համար բնատրութիւն դարձուր սերն ու երկիւղը, որպէսզի խաբէութեամբ չտանջուիս:
- Հնազանդէ՛ սիրով, աղօթէ՛ յոյսով, աշխատէ՛ հաւատքով, և [այդպիսով] կը պայծարանաս երկնային հարսանիքին մէջ:
- Մի՛ սիրեր ուտելիքներու և ընկելիքներու յագուրդը, այլապէս մարմինդ կը դարձնես պոռնկութեան քաղաք և սատանայի ամրոց:
- Խոնարհութեամբ, սիրով, յոյսով հնազանդիլը և գիտակցաբար չարչարուիլը կատարելութիւն է:
- Եթէ քեզ սիրեն, գոհացիր Աստուծմէ, իսկ եթէ չսիրեն, մի՛ տրտնջար, և ուրիշներն ալ մի՛ տրտնեցներ, այլ դուն քեզ նեղէ քիչ մը լուրեամբ, որովհետև ան որ կը պատերազմի, համբերութեան կարիքը պէտք է զգայ:
- Տգէտ և անշրջահայեաց առաջնորդը՝ բուժելու ատեն կը խոցէ, ուղղելու ատեն կը խորտակէ, սիրոյ ատեն ատելութիւն կը սերմանէ:

## ՄԱՆԿԱՊԱՏԱՆԵԿԱՆ

Երկու մարդիկ կ'աղօթէին: Առաջինը կ'ըսէր.- «Ես բարի մարդ եմ», իսկ երկրորդը՝ «Ով Մէր, ներէ ինձի, որովհետեւ չարութիւն ըրած եմ»: Պի մարդուն աղօթքը Աստուծոյ կողմէ անելի ընդունելի պիտի ըլլայ:

Կարդանք այս պատմութիւնը **Պուկաս 18,9-14** Բանարներուն մէջ, եւ երկու նկարները բաղդապելով **10** Կարբերութիւններ գտնենք:



Ազգային Առաջնորդարան  
Armenian Prelacy of Canada  
Prelature Armenienne du Canada



514-856-1200



prelacy@armenianprelacy.ca



www.armenianprelacy.ca



Խմբագիր՝ Քրիստափոր Միքայէլեան



3401 Olivar Asselin  
Montreal, Quebec H4J 1L5